



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«10» 02 2021թ.

No 11/11-4/7049-2021

«ԼԵՈ ՔՈՄՓՆԻ» ՍՊԸ-Ի (ՀՎՀՀ 03550907) ՏՆՕՐԵՆ
ՏԻԿԻՆ ՄԱՐԳԱՐԻՏԱ ՇԱՀԻՆՅԱՆԻՆ
ՀԱՍՅԵ՝ ԿՈՏԱՅՔԻ ՄԱՐԶ, Գ. ՄԱՅԱԿՈՎՍԿԻ 12 ՓՈՂ. 15 Տ.
ԷԼ. ՓՈՍՏԻ ՀԱՍՅԵ՝ arma_tik@mail.ru

ԳՐԱՎՈՐ ՊԱՀԱՆՋ

Հարգելի տիկին Շահինյան

Հայտնում ենք, որ 24.12.2020 թվականին ՀՀ պետական եկամուտների կոմիտեի և <Լեո Քոմփնի> ՍՊԸ-ի (ՀՎՀՀ 03550907, գրանցման համար՝ 42.110.1084867) միջև կնքվել է պարտավորությունների աստիճանական մարման ժամանակացույց՝ 7.841.762 դրամի չափով, 9 ամիս ժամկետով: Ի ապահովումն <Լեո Քոմփնի> ՍՊԸ-ի ժամանակացույցով նախատեսված պարտավորությունների կատարման՝ ՀՀ պետական եկամուտների կոմիտեի և <Լեո Քոմփնի> ՍՊԸ-ի, ի դեմս լիազոր ներկայացուցիչ Նարեկ Հարությունյանի (անձ. 009422502, տրված 02.03.2018թ-ին 019-ի կողմից) միջև կնքվել է շարժական գույքի գրավի պայմանագրեր, համաձայն որոնց գրավադրվել է ընկերությանը սեփականության իրավունքով պատկանող KRONE SDP-27 մակնիշի 137A01 պետհամարանիշի կիսակցորդը /նույնականացման համար՝ WKESDP27000W10189/, MAZ 53366-040 մակնիշի 968AR61 պետհամարանիշի բեռնատարը /նույնականացման համար՝ Y3M533660Y0009244/ և MERCEDES-BENZ 1840 LS մակնիշի 834AR61 պետհամարանիշի բեռնարատը /նույնականացման համար՝ WDB9540321K749856/, որոնց ընդհանուր շուկայական արժեքը կազմել է 8.789.000 դրամ գումար: <Լեո Քոմփնի> ՍՊԸ-ի կողմից ժամանակացույցով սահմանված 2021 թվականի հունվար ամսվա համար նախատեսված վճարումը չի վճարվել, ինչպես նաև ընկերության կողմից չի կատարվել ժամանակացույցի 5-րդ կետով սահմանված պահանջները՝ այն է <Կազմակերպությունը պարտավորվում է նաև ՀՀ օրենսդրությամբ սահմանված ժամկետներում և կարգով կատարել 10.12.2020



թվականից հետո առաջացող հարկային պարտավորությունները>, արդյունքում ժամանակացույցը խախտվել է:

ՀՀ հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման առաջին իսկ խախտման դեպքում հարկային մարմինը խախտման օրվանից հետո՝ 10 աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:

Նույն օրենսգրքի 437-րդ հոդվածի 12.2-րդ մասի համաձայն՝ հարկ վճարողի կողմից գրավով ապահովված՝ չկատարված հարկային պարտավորությունները ենթակա են կատարման այդպիսի պահանջը հարկային մարմնից ստանալուց հետո՝ երեք աշխատանքային օրվա ընթացքում:

Միաժամանակ հայտնում ենք, որ նույն օրենսգրքի 437-րդ հոդվածի 13-րդ կետի համաձայն՝ հարկ վճարողի կողմից սույն հոդվածի 12.2-րդ մասում նշված ժամկետում իր պարտավորությունների չկատարման կամ մասնակի կատարման դեպքում հարկային մարմնի այդ պահանջը սահմանող փաստաթուղթը համարվում է անբողոքարկելի վարչական ակտ, որից հետո հարկային մարմինը գրավի պայմանագիր կնքած անձի նկատմամբ կարող է կիրառել անբողոքարկելի վարչական ակտերի համար Օրենսգրքով նախատեսված հարկային պարտավորությունների հարկադիր կատարման ընթացակարգերը:

Վերոգրյալը հաշվի առնելով սույնով առաջարկում ենք Ձեզ կատարել 24.12.2020 թվականին կնքված ժամանակացույցով նախատեսված վճարումները՝ 7.841.762 դրամի չափով:

ՀԱՐԳԱՆՔՈՎ՝

2/10/2021



ԻՐԱՎԱԲԱՆԱԿԱՆ Signed by: MNATSAKANYAN ARMAN 2012760074

ՎԱՐՉՈՒԹՅԱՆ ՊԵՏ

ԱՐՄԱՆ ՄՆԱՑԱԿԱՆՅԱՆ

Կատարող՝ իրավաբանական վարչության
ՀԳ և ՊԿԱ բաժնի գլխավոր մասնագետ
Արտակ Գալստյան, հեռ. 011 54-91-91 (9195)



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am